



Uunga

Namminersorlutik Oqartussat
Aalisarnermut Piniarnermullu
Naalakkersuisoqarfik
3900 Nuuk

27. december 2023

Aalisartut pillugu Inatsiartut inatsisissaattut siunnersuut pillugu SQAPK-miit akissutitut allakkat.

Sinerissap Qanittuani Aalisartut Piniartullu Kattuffianit aammalu ilaasortanit Naalakkersuisut tusarniaanerat pillugu aammalu aalisarnermut inatsisissatut tusarniutigineqartup imai pillugit ataatsimeeqattaareerluni Aalisarnermut Inatsisissatut siunnersuut tusarniutigineqartoq pillugu ima ittumik oqaaseqarluta akissuteqarfingaarput. Naalakkersuisullu tusarniaanermut matumunnga qutsavingalugit suliamik annertuumik suliaqarneranni qutsavingaavut siullertullu apererusunnarpoq Inatsit 1996-meersoq suna pillugu tamakkiisumik taarserniarneqarnera?.

Inatsisissatut siunnersuummi immikkoortut tamaasa ataasiakkaanngikkaluarlugit oqaaseqarfiginngikkaluarlugit pingaarutillit aammalu sinerissap qanittuani sinerissallu avataani aalisarmi aammalu qaleralinniarnermi sammineqartut annerpaamik sammillugit akissuteqassaagut.

Aalisakkanik isumalluutigut inuiaqatigiinnit pingineqartut Naalakkersuisut uppersarmatigit qutsavingaavut. Taamaattorli SQAPK-miit ataasiakkaatigit oqaasertat iluarsiiqqineqartariaqartullu naatsumik ima oqaaseqarfingaarput.

1. Naalakkersuisut pisassiissutinut tamanut tamakkiisumik oqartussaassuseqartussaasariaqarput

SQAPK-miit aalisarnerq pillugu inatsisissatut siunnersuummi Kapitali 4-mi 5-milu eqqaaneqartutut Aqutsinissamut pilersaarutit soqutigisaqatigiinnit immersorneqartut imaasa mianereqqissaarlugit Naalakkersuisut pisassiissutinik agguasalermissamik siunnersuutaat akuerinngilluinnarparput. Tamatumani Naalakkersuisut Aalisakkat pisassiissutigineqarnissaat pillugu tamakkiisumik oqartussaassuseqartussaaneerat inuiaqatigiinnut pingaaruteqarlunartuummat. Taamaattumik Inatsisissatut siunnersuummi Aalisarnermut siunnersuisooqatigiit Naalakkersuisut avaqqullugit aalisangartassiissutinik agguasassinermi tamanut oqartussanngortinniarnearnerat isumaqatiginngilluinnarparput. Tamatumani piumasaraarput Naalakkersuisut tassaassasut aalisaqartassiissutinut tamanut aammalu oqartussaassuseqarnikkut, aqutsinnaassuseqarnikkut, agguasseriaatsikkullu

tamakkiisumik aqutsisussat ingerlatitsisuussasullu Aalisarnermut Inatsimmi ersarissumik allaqqasariaqartut.



2. **Nunatsinni aalisarnerup ineriartortinneqarneranut aammalu sinerissap qanittuani aalisarnerup ineriartortinneqarneranut Naalakkersuisut tamakkiisumik qularnaviikkusiisariaqarput aalisartunut illersuisumik.**

Ullumikkut ingerlaaseq tamanna atorunnaarsissimalerparput, atorunnaarsitsisimanerlu kukkunerusoq immaqa oqaatigisinnaalersimassallutigu, tassami ullumikkut aningaasaatillit kisiisa aalisarnerup iluani aningaasalersuisussatut Nunatsinni Naalakkersuisut Aalisarnermut Inatsissatut siunnersuut tusarniutaasoq manna aqquotingalugu periarfissittussanngoraat arajutsineqarsinnaanngittumik allaqqavoq.

Taamatut aningaasalersuinerup kingunerisaanik pisassiissutinik qularnaveeqqusiunneqarsimasunik sukkasuumik pinginnittuuleriartornissamut aningaasaatillit aqquutissinneqartut ersarippallaaqaaq taamaatumillu taama ittumik imaqartumik aalisarnermut inatsiseqarnissaq Kalaallit Nunaanni tullianngilaq.

Killormut Namminersorlutik Oqartussat aningaasalersuisussatut aammalu qularnaveeqqusersuinissamut tamakkiisumik oqartussaassuseqarlutik ingerlatsinissaanut kaammattorusunnarput tamatumani aningaaseriviit qanimut Naalakkersuinikkut suleqatigeqqissaarneqartariaqarlutik. Ilanngullugu oqaatigissuarput sinerissap qanittuani umiatsiaaqqamik aalisarnermi PNNP anguniarneqarpata anguniarneqanngippataluunniit ESU pilersinneqaaqqittariaqartoq suleriaatsimik ullumikkumut tulluurtumik aammalu siunissami atasinnaasumik pilersaaruserluarneqartumillu atuutilerseqqinneqarneratigut, ima paasineqassaaq. Aalisartut aningaaserivinnit aningaasaliiffigineqarlutik aallartittut aammalu akilersukkamik ajornartorsiulersinnaanerata pillugit Namminersorlutik Oqartussat ESU aqquotingalugu tamakkiisumik isumannaatumillu qularnaveeqqusiisuussallutik. Taamaasilluni Nunatta aqutsisui inuttaasut aalisarnermillu inuuniuteqartut pillugit illersuinerat takuneqarsinnaassangaluarmat. Ullumikkut akisunaarujussuaqqavarput ESU unitsinneqarsimanera aammalu allatut tulluarsakkamik suliarineqaaqqilluni atuinnartinneqarsimannginara. ESU atorunnaarsinneqarnerata kingunerisaanik aalisarnermik inuuniuteqarnerup inunnik ikittuinnarnik ingerlanneqalernissaanut aqquutissiuussinerput illuanut saatittariaqarpoq. Namminersorlutik oqartussat tamatumani oqartussaanerpaanissaat aamma qulakkerneqartariaqarmat.

3. **Nunatta avannaani sikusartumi pinngittoorneqarsinnaanngilaq qimussimik aalisarneq taamaattumillu Naalakkersuisunit aamma aalisaatingineqarnerata ingerlaannarnissaanik toqqammaviliisariaqarput.**

Nunatta ilaa sikusartuuvoq taamaattumillu tamatumani pinngittoorneqarsinnaanngilaq qimussimik aalisarneq piniarnerlu, naalakkersuisullu aalisarneq pillugu inatsississatut tusarniutaanni matumani tamanna aamma periarfissinneqartariaqarluni. Taamaattumik isumaqarpugut aqutsiveqarfik 47-mi ukiukkut qimussimik aalisarneq Kulturikkut pisassiiffiusumik aalisartoqarnissaanik periarfissaqartitsinissaa, matumani tusarniummi aamma Kvotabank ilanngullugu pilersinniarneqartumi tamanna pisassalersorneqarsinnaatillugu, aammalu nalinginnaasumik pisat allat assingalugit tunitivinnut tunineqarsinnaasuunissaanik periarfissaqartumik.



4. CVR aamma pinngittoornani ilaasussaatitaaneq.

Tusarniutigineqartumi §10-mi §9takuuk allassimavoq tak. § 9. Akuersissummik piginnittoq kisimi angallat atorlugu aalisarsinnaatitaavoq.

SQAPK-miit isumaqarpugut Inatsisissatut tusarniummi aalisartut aammalu ingerlatsisut pisussaatitaareermata sulisitsisutut tassa cvr normu allangartaqarnissaannik. Taamaattorli aalisarnermi pinngittoornani aallaqataasussatut amuaqataasussatullu pisussaatitaalluni isumaqarpugut tamanna imminut assortuuttoq, tassami sulisitsisutut allangartallit aammalu aalisarnermi sulisoqareersut sulisitsisullu sulisitsisutut pisinnaatitaaffeqareersut pisariaqarsorinngilarput sulisoqartillugu pinngittoornani aallaqataasarnissamik piunaffigisariaqartut. Tamatumunnga tunngavingaarput inuit ullut tamaasa peqqittuaannangimmata, soorlu napparsimanermi, ataatsimiittussaannermi, ullorsiornermi, aammalu pisuni assigiinngitsuni pissuteqartumik ullormut imaluunniit angalanermi peqataasinnaannginnermik pissuteqartumik unioqqutitsisunngortinneqartariaqanngimmata.

Ima paasillugu CVR normoqartut aalisartut pinngittoornani angalaqataasussaatitaanissaanik piunasaqaat peertariaqartoq.

Naalakkersuisut Aalisarnerq pillugu inatsisissatut tusarniutaat pillugu taamatut Sinerissap Qanittuani Aalisartut Piniartullu Kattuffianit akissuteqaaterput aamma immikkoortortaarfitsinnit IQPP-ip akissutai innersuullugit nassiupparput.

Inussiarnersumik Inuulluaqqusillunga


Ulluinnarni aqutsisut

Siulittaasoq: Niels Kristian Vetterlain



Tullia: Anthon Lindenhann



UA: Joel Hansen